



Resolución do 25 de setembro de 2015, da Escola Galega de Administración Pública pola que se resolven as solicitudes de subvencións para a financiación dos plans de formación no ámbito da Administración Local, convocadas mediante Resolución da EGAP do 2 de marzo de 2015 (DOG do 6 de marzo).

ANTECEDENTES

1. Acolléndose á convocatoria efectuada mediante Resolución do 2 de marzo de 2015 pola que se aproban as bases reguladoras e se convocan subvencións destinadas ao financiamento de plans de formación das entidades locais de Galicia no ano 2015, no marco do acordo de formación para o emprego das administracións públicas, publicada no *Diario Oficial de Galicia* núm. 45, do 6 de marzo de 2015, as entidades locais presentaron solicitudes de subvención para executar a actuación referida na cabeceira.

FUNDAMENTOS XURÍDICOS

1. De acordo co artigo 12.1º das Bases reguladoras, —*Órganos competentes*— previa a análise e valoración da comisión de valoración, correspóndelle ao directora da Escola Galega de Administración Pública (EGAP) ditar as diferentes resolucións que se deriven do procedemento administrativo de concesión das subvencións.

2. En virtude do disposto no artigo 14.1 das citadas bases, a Comisión Paritaria de Formación para o Emprego da Administración Local da Comunidade Autónoma de Galicia deberá emitir informe e aprobar con carácter previo os plans de formación que concorran á convocatoria de subvencións. O citado órgano emitiu informe o 24 de xullo de 2015, ao tempo que formulou proposta de resolución de concesión das subvencións.

3. Neste procedemento só se teñen en conta aqueles feitos, alegacións ou probas aducidos polos propios interesados.

5. Para determinar o importe do investimento subvencionado ou custo elixible e fixar a contía máxima de axuda, tivéronse en conta os criterios recollidos artigo 15 das bases reguladoras da convocatoria

6. Para a tramitación do presente expediente tívose en conta o establecido na Resolución do 2 de marzo de 2015 pola que se aproban as bases reguladoras e se convocan subvencións destinadas ao financiamento de plans de formación das entidades locais de Galicia no ano 2015 e na Lei 30/1982, do 26 de novembro, de réxime xurídico das administracións públicas e do procedemento administrativo común.

Sobre a base dos anteriores antecedentes e fundamentos xurídicos, pola presente

RESOLVO





Primeiro: Conceder as axudas económicas para a financiación dos plans de formación das entidades locais que se reflicten no anexo, con indicación dos beneficiarios e o importe da axuda.

Segundo: Poderanse realizar pagos anticipados por importe ata o 80% da subvención outorgada, que suporán entregas de fondos con carácter previo á xustificación, como financiamento necesario para poder levar a cabo as actuacións inherentes á subvención. As entidades locais beneficiadas deberán xustificar o pagamento que da lugar a subvención de acordo co previsto no artigo 18 das bases da convocatoria.

Terceiro: O período de execución será o ano natural. A partir do momento da adxudicación das subvencións, as entidades beneficiarias poderán modificar os seus plans de formación, debendo realizalo antes do 30 de novembro de 2015, para ese efecto deberán solicitar á comisión Paritaria de Formación local para o Emprego desta Comunidade Autónoma a súa aprobación.

Cuarto: A xustificación realizarase mediante a achega á EGAP da correspondente conta xustificativa na forma e que se determina na convocatoria no seu artigo 18. O prazo de xustificación será o comprendido entre o 1 de xaneiro e o 15 de marzo de 2015.

Os documentos deben ser remitidos sempre en orixinais ou copias compulsadas.

Quinto: De acordo co establecido no artigo 70.3 do Regulamento da Lei 38/2003, do 17 de novembro, aprobado polo Real decreto 887/2006, do 21 de xullo, se transcorrido o prazo de xustificación o beneficiario non presenta a documentación xustificativa, a Egap requirirao para que no prazo improrrogable de 15 días sexa presentada, con apercibimento de que a falta de presentación dará lugar á exixencia de reintegro e demais responsabilidades establecidas na Lei 38/2003, do 17 de novembro.

Sexto: Notifíquese a presente resolución de concesión, coa advertencia de que unha vez transcorridos dez (10) días hábiles desde que se produza a dita notificación, se o interesado non renuncia expresamente á axuda, adquirirá a condición de beneficiario.

Contra a presente resolución, que pon fin á vía administrativa, poderase interpoñer recurso contencioso administrativo ante os Xulgados do Contencioso Administrativo de Santiago de Compostela, no prazo de dous (2) meses a contar desde o día seguinte ao da súa notificación, de acordo co previsto nos artigos 8 e 46 da Lei 29/1998, do 13 de xullo, reguladora da xurisdición contencioso administrativa. Previamente, e con carácter potestativo, pódese interpoñer recurso administrativo de reposición perante o directora da EGAP, no prazo dun (1) mes contado do mesmo xeito, tal e como dispoñen os artigos 116 e 117 da Lei 30/1992, do 26 de novembro, de réxime xurídico das administracións públicas e do procedemento administrativo común.

Todo iso sen prexuízo de calquera outro recurso que se estime oportuno.

Santiago de Compostela, 25 de setembro de 2015

A directora da EGAP

Sonia Rodríguez-Campos González





ANEXO

Plan agrupado			
N.º expediente	Beneficiario	Orzamento solicitado	Importe da axuda concedida
6/2015	Deputación Provincial de Lugo	94.660€	42.949€
5/2015	Deputación Provincial da Coruña	212.495€	86.350€
10/2015	Deputación Provincial de Ourense	208.546€	44.271€
2/2015	Deputación Provincial de Pontevedra	137.830€	76.331€
9/2015	Mancomunidad del Área Intermunicipal de Vigo	75.850€	17.573€

Plan interadministrativo			
N.º expediente	Beneficiario	Orzamento solicitado	Importe da axuda concedida
1/2015	Federación Gallega de Municipios y Provincias	112.280€	98.809€

Plan unitario			
N.º expediente	Beneficiario	Orzamento solicitado	Importe da axuda concedida
11/2015	Concello da Coruña	183.459€	17.275€
12/2015	Concello de Ferrol	500.277€	3.062€
13/2015	Concello de Lugo	93.640€	4.587€
4/2015	Concello de Pontevedra	31.950€	5.754€
7/2015	Concello de Arteixo	6.400€	2.812€
8/2015	Concello de Cangas	3.100€	2.681€
3/2015	Concello de Santiago de Compostela	60.854€	5.135€

